

CUSSEGL GROND

Sessiun d'avust 2022

Dumonda Collenberg concernent la rait da telefonia mobila en la Ruinaulta

La Ruinaulta er enconuschenta sco «Swiss Grand Canyon» è enconuschenta er ordaifer il chantun Grischun sco cuntrada natirala incumparabla. Ils passagiers da la Viafier retica pon contemplar la natira magnifica directamain or dals trens da la Viafier retica. Ils turists apprezzieschan fitg il traject da tren che vegn dentant er frequentà mintga di da numerus pendularis da la Surselva. En paucs onns duain ils trens circular en il tact da mes'ura tranter Glion e Cuira tras la Ruinaulta. Cun l'introducziun dal tact da mes'ura daventa la Surselva pli attractiva sco lieu d'abitar. Per ch'ils pendularis possian trair a niz il viadi cun tren optimalmain er per la lavur, è ina colliaziun d'internet fitg impurtanta. Deplorablamain na datti però nagina rait da telefonia mobila sin in tschancun dal traject tranter Glion e Cuira en la Ruinaulta. Quai è malempernaivel per ils pendularis e betg pli confirm al temp. La pussaivladad da lavurar durant il viadi a la lavur è in grond avantatg dal viadi cun tren cumpareglià cun il viadi cun auto. Sche quest avantatg n'exista dentant betg propi, manca la motivaziun per desister dal viadi cun auto e prender il tren. Ord vista ecologica stuess ins perquai far tut il pussaivel per augmentar l'attractivitat dal traject da viafier.

Sut quest aspect vulan las sutsegnadras ed ils sutsegnaders savair il suandant da la Regenza:

1. È la Regenza er da l'avis, ch'ina vasta rait da telefonia mobila respectivamain ina colliaziun d'internet è – ord vista dals pendularis – impurtanta per render attractiv il viadi cun tren sin il traject menziunà?
2. Tge mesiras fissan necessarias da vart dal chantun per megliar la rait da telefonia mobila en la Ruinaulta?
3. È la Regenza pronta da pretender immediatamain da la Viafier retica respectivamain dals purschiders da telefonia mobila in meglierament da la situaziun?
4. Pudess il chantun sustegnair finanzialmain la Viafier retica respectivamain ils purschiders da telefonia mobila per schiar il problem (per exempel sur GRdigital)?

Cuira, ils 3 da settember 2022

Collenberg, Derungs, Tomaschett, Beeli, Berther, Brandenburger, Brunold, Cortesi, Cramer (Surava), Degiacomi, Della Cà, Dietrich, Epp, Furger, Gartmann-Albin, Hohl, Kreiliger, Luzio, Maissen, Messmer-Blumer, Righetti, Sax, Sgier, Widmer, Wieland